



Inatsisartunut ilaasortaq Debora Kleist, Inuit Ataqtigiit
-/MAANI

Kujataani piniarnermik nakkutilliisut pillugit Naalakkersuisunut apeqqut nr. 2012-060-imut akissuteqaat

Inatsisartut suleriaasianni § 37, imm. 1 naapertorlugu Naalakkersuisunut apeqquteqarsimavutit Kujataani piniarnermik nakkutilliisut pillugit. Apeqqut uanga akisussaaffigisannut akisassanngortillugu innersuussutigineqarsimavoq.

1) Naalakkersuisut piffissaq qaninnerusoq isigalugu nunatta kujaterpiaani piniarnermik/-aalisarnermillu nakkutilliisumik atorfinitsitsiqarnissaanik takorluugaqarpat?

1-imut) Nuummi Arktisk Kommando-p pilersinneqarneranut atatillugu taamalu naatsorsuutigisamik Kangilinnguani Grønlands Kommando-p sakkutooqarfiata atorunnaarsinneqarnissaani Kalaallit Nunaanni Aalisarnermik Akuersissutiniq Nakkutilliisoqarfik (KANUAANA) allallu soqutiginnillutillu attuumassuteqartut suleqatigalugit, qinnuigisimavara Kujataani ukiut marluk ingerlanerini piniarnermut nakkutilliisoqarfimmik pilersitsinissamut pisariaqartitsinermik naliliiffigeqqullugu.

2) Kujataani nakkutilliiniarnerup pitsanngorsarneqarnissaannut atatillugu qanoq iliussissanik pilersaarutiniq saqqummiussissamaarpat.

2-mut) KANUAANA-mit allallu soqutiginnillutillu attuumassuteqartunit nalilerneqarpat tassani pisariaqartitsisoqartoq, taava naatsorsuutigineqarsinnaavoq immikkoortortaqarfimmik pilersitsiniartoqassasoq immaqa Narsaq imaluunniit Qaqortoq aallaavigalugu.

3) Atorfinitsitsinissamut pilersaaruteqartoqanngippat, taava Naalakkersuisuniit nunatta kujaterpiaani nakkutilliinermut pitsanngorsaataasinnaasunik qanoq pilersaaruteqartoqarpat?

3-mut) Nalinginnaasumik peruserineqartarpoq, illoqarfiit piniarnermik aamma aalisarnermik nakkutilliisoqanngitsut, KANUAANA-mut qinnuteqartartut piniarnermik aamma aalisarnermik nakkutilliisunik ikiorneqarusullutik. APNN-mit akuersaartumik isummersimavugut piniarnermik aamma aalisarnermik nakkutilliisut peqataaqataasinnaasut, sumiiffiit najugaqarfiusut allat piniarnermik aamma aalisarnermik nakkutilliisoqarfeqanngitsut taakkunanilu immikkut nakkutilliisoqarnissaanik pisariaqartitsinnaasut ikiorserneqarnissaannut, taamaasiortoqartassaarli aaqquussinermik malinneqartussamik aningaasaqarnikkut killigititaasut iluini.

Inussiarnersumik inuullaqqusillunga

07. marts 2012
Sagsnr. 2012-062953
Dok. Nr. 845014

Postboks 269
3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl www.nanoq.gl

Ane Hansen